


# 許州志

卷之四官師上

4



D5  
793  
H52H835  
1838  
V.4







許州志卷之四

直隸許州知州高安蕭元吉纂修

官師上

宦蹟

自秦郡縣天下官於許者多矣凡爲長爲守爲  
刺史與夫幕僚上佐博士丞尉之屬秩有崇卑  
而能卽其官爲惠使人謳思不忘則一也甄而  
錄之稽其已然之效卽爲前事之師前志於名  
宦多所遺漏茲據歷代正史及唐宋名賢集補  
入名有可考而事未詳則列於後



功業傳聞

西漢趙廣漢字子都涿郡蠡吾人也少爲郡吏州從事舉茂材歷任京輔都尉以宣帝定策功遷潁川太守郡大姓原褚宗族橫恣賓客犯爲盜賊前二千石莫能禽制廣漢旣至數月誅原褚首惡郡中震栗先是潁川豪傑大姓相與爲婚姻吏俗朋黨廣漢患之厲使其中可用者受記出有案問旣得罪名行法罰之廣漢故漏泄其語令相怨咎又教吏爲鉅筭及得投書削其主名而託以爲豪傑大



姓子弟所言其後強宗大族家家結爲仇讐姦黨  
散落風俗大改吏民相告訐廣漢得以爲耳目盜  
賊以故不發發又輒得壹切治理成名流聞及勾  
奴降者言勾奴中皆聞廣漢廣漢爲二千石以和  
顏接士其尉薦待遇吏殷勤甚備事推功善歸之  
於下曰某掾鄉所爲非二千石所及行之發於至  
誠吏見者皆輸寫心腹無所隱匿咸願爲用僵仆  
無所避廣漢聰明皆知其能之所宜盡力與否其  
或負者輒先聞知風諭不改乃收捕之無所逃案



之臯立具卽時伏辜廣漢爲人彊力天性精於吏職見吏民或夜不寢又至旦尤善爲鉤距以得事情鉤距者設欲知馬價則先問狗已問羊又問牛然後及馬參伍其價以類相準則知馬之貴賤不失實矣惟廣漢至精能行之它人效者莫能及也郡中盜賊間里輕俠其根株窟穴所在及吏受取請求銖兩之姦皆知之

韓延壽字長公燕人也徙杜陵少爲郡文學父義爲燕郎中刺王之謀逆也義諫而死昭帝時魏相



以文學對策謂宜顯賞義子明爲人臣之義因擢  
延壽爲諫大夫遷淮陽太守徙潁川潁川多豪強  
難治國家常爲選良二千石先是趙廣漢構會吏  
民令相告訐一切以爲聰明潁川由是以爲俗民  
多怨讐延壽欲更改之教以禮讓恐百姓不從乃  
歷召郡中長老爲鄉里所信向者數十人設酒具  
食親與相對接以禮意人人問以謠俗民所疾苦  
爲陳和睦親愛銷除怨咎之路長老皆以爲便可  
施行因與議定嫁娶喪祭儀品畧依古禮不得過



法延壽於是令文學校官諸生皮弁執俎豆爲吏  
民行喪嫁娶禮百姓遵用其教賣偶車馬下里僞  
物者棄之市道數年徙爲東郡太守延壽爲吏上  
禮義好古教化所至必聘其賢士以禮待用廣謀  
議納諫爭舉行喪讓財表孝弟有行修治學宮春  
秋鄉射陳鐘鼓管絃成升降揖讓及都試講武設  
斧鉞旌旗習射御之事治城郭收賦稅先明布告  
其日以期會爲大事吏民敬畏趨向之又置正五  
長相率以孝弟不得舍姦人閭里阡陌有非常吏



輒聞知姦人莫敢入界其始若煩後吏無追捕之苦民無箠楚之憂皆便安之接待下吏恩施甚厚而約誓明或欺負之者延壽痛自刻責豈其負之何以至此吏聞者自傷悔其縣尉至自刺死及門下掾自到人救不殊因瘖不能言延壽聞之對掾吏涕泣遣吏醫治視厚復其家延壽嘗出臨上車騎吏一人後至勅功曹議罰白還至府門門卒當車願有所言延壽止車問之卒曰孝經曰資於事父以事君而敬同故母取其愛而君取其敬兼之



者父也今旦明府早駕久駐未出騎吏父來至府門不敢入騎吏聞之趨走出謁適會明府登車以敬父而見罰得毋虧大化乎延壽舉手輿中曰微子太守不自知過歸舍召見門卒卒本諸生聞延壽賢無因自達故代卒延壽遂待用之其納善聽諫皆此類也

何竝字子廉祖父以吏二千石自平輿徙平陵竝爲郡吏至大司空掾事何武武高其志節舉能治劇爲長陵令道不拾遺初邛成太后外家王氏貴



而侍中王林卿通輕俠傾京師後坐法免賓客愈  
盛歸長陵上冢因畱飲連日竝恐其犯法自造門  
上謁謂林卿曰冢間畢外君宜以時歸林卿曰諾  
先是林卿殺婢壻埋冢舍竝具知之以非已時又  
見其新免故不發舉欲無令畱界中而已卽且遣  
吏奉謁傳送林卿素驕慙於賓客竝度其爲變儲  
兵馬以待之林卿旣去北度涇橋令其奴還至寺  
門拔刀剝其建鼓竝自從吏兵追林卿行數十里  
林卿迫窘乃令奴冠其冠被其襜褕自代乘車從



童騎身變服從間徑馳去會日暮追及收縛冠奴  
奴曰我非侍中奴耳竝心自知已失林卿廼曰王  
君困自稱奴得脫死耶叱吏斷頭持還縣所剝鼓  
置都亭下署曰故侍中王林卿坐殺人埋冢舍使  
奴剝寺門鼓吏民驚駭林卿因亡命眾庶謹譁以  
爲實死成帝太后以邛成太后愛林卿故聞之涕  
泣爲言哀帝聞狀而善之遷竝隴西太守徙潁川  
太守是時潁川鍾元爲尚書令領廷尉用事有權  
弟威爲郡掾藏千金竝爲太守過辭鍾廷尉廷尉



免冠爲弟請一等之罪願早就髡鉗竝曰罪在弟身與君律不在於太守元懼馳遣人呼弟陽翟輕俠趙季李款多蓄賓客以氣力漁食閭里至姦人婦女持吏長短從橫郡中聞竝且至皆亡去竝下車求勇猛曉文法吏且十人使文吏治三人獄武吏往捕之各有所部敕曰三人非負太守乃負王法不得不治鍾威所犯多在赦前驅使入函谷關勿令汙民間不入關乃收之趙李傑惡雖遠去當得其頭以謝百姓鍾威負其兄止雒陽吏格殺之



亦得趙李它郡持頭還竝皆懸頭及其具獄於市  
郡中清靜

黃霸字次公淮陽陽夏人也以豪傑役使徙雲陵  
霸少學律令喜爲吏爲人明察內敏又習文法然  
溫良有讓足知善御衆自武帝末用法深昭帝立  
幼大將軍霍光秉政大臣爭權上官桀等與燕王  
謀作亂光旣誅之遂遵武帝法度以刑罰痛繩羣  
下繇是俗吏上嚴酷以爲能而霸獨用寬和爲名  
宣帝卽位詔霸爲潁川太守秩比二千石居官



車蓋特高一丈別駕主簿車緹油屏泥於軾前以  
章有德時上垂意於治數下恩澤詔書吏不奉宣  
太守霸爲選擇良吏分部宣布詔令令民咸知上  
意使郵亭鄉官皆蓄雞豚以贍鰥寡貧窮者然後  
爲條教置父老師帥伍長班行之於民間勸以爲  
善防姦之意及務耕桑節用殖財種樹畜養去食  
穀馬米鹽靡密初若煩碎然霸精力能推行之吏  
民見者語次尋繹問宅陰伏以相參考嘗欲有所  
司察擇長年廉吏遣行屬令周密吏出不敢舍郵



亭食於道旁烏攫其肉民有欲詣府口言事者適見之霸與語道此後日吏還謁霸霸見迎勞之曰甚苦食於道旁乃爲烏所盜肉吏大驚以霸具知其起居所問毫釐不敢有所隱鰥寡孤獨有死無以葬者鄉部書言霸具爲區處某所大木可以爲棺某亭猪子可以祭吏往皆如言其識事聰明如此吏民不知所出咸稱神明姦人去入它郡盜賊日少霸力行教化而後誅罰務在成就全安長吏許丞老病聾督郵白欲逐之霸曰許丞廉吏雖老



尚能拜起迎送止頗重聽何傷且善助之母失賢者意或問其故霸曰數易長吏送故迎新之費及姦吏緣絕簿書盜財物公私費耗甚多皆當出於民所易新吏又未必賢或不如其故徒相益爲亂凡治道去其泰甚者耳霸以外寬內明得吏民心戶口歲增治爲天下第一徵守京兆尹秩二千石坐發民治馳道不先以聞立發騎士詣北軍馬不適士劾乏軍興連貶秩有詔歸潁川太守官以八百石居治如其前前後八年郡中愈治是時鳳凰



神爵數集郡國潁川尤多天子以霸治行終長者  
下詔稱揚後數月徵霸爲太子太傅遷御史大夫  
五鳳三年代丙吉爲丞相封建成侯食邑六百戶  
霸材長於治民及爲丞相總綱紀號令風采不及  
丙魏於定國功名損於治郡時自漢興言治民吏  
以霸爲首爲丞相五歲甘露三年薨諡曰定侯

東漢寇恂字子翼上谷昌平人也世爲著姓恂初爲  
郡功曹太守耿況甚重之與況子弇等俱南從光  
武拜偏將軍號成義侯從破羣賊拜河內太守行



大將軍事後以事免建武二年是時潁川人嚴終  
趙敦聚眾萬餘與密人賈期連兵爲寇恂免數月  
復拜潁川太守與破姦將軍侯進俱擊之數月斬  
其首郡中悉平定封恂雍奴侯邑萬戶時執金吾  
賈復在汝南部將殺人於潁川恂捕得繫獄時尚  
草創軍營犯法率多相容恂乃戮之於市復以爲  
恥還過潁川謂左右曰吾與恂並列將帥而今爲  
其所陷大丈夫豈有懷侵怨而不決之者乎今見  
恂必手劒之恂知其謀不欲與相見谷崇曰崇將



也得帶劔侍側卒有變足以相當恂曰不然昔藺  
相如不畏秦王而屈於廉頗者爲國也區區之趙  
尚有此義吾安可以忘之乎乃勅屬縣盛供具儲  
酒醪執金吾軍人界一人皆兼二人之饌恂乃出  
迎於道稱疾而還賈復勒兵欲追之而吏士皆醉  
遂過去恂遣谷崇以狀聞帝乃徵恂恂至引見時  
復先在坐欲起相避帝曰天下未平兩虎安得私  
鬪今日朕分之於是並坐極歡遂共車同出結友  
而去恂歸潁川三年遣使者卽拜爲汝南太守又



使驃騎將軍杜茂將兵助恂討盜賊盜賊清靜郡  
中無事恂素好學乃修鄉校教生徒聘能爲左氏  
春秋者親受學焉七年代朱浮爲執金吾明年從  
車駕擊隗囂而潁川盜賊羣起帝乃引軍還謂恂  
曰潁川迫近京師當以時定惟念獨卿能平之耳  
從九卿復出以憂國可知也恂對曰潁川飄輕聞  
陛下遠踰阻險有事隴蜀故狂狡乘間相誑誤耳  
如聞乘輿南向賊必惶怖歸死臣願執銳前驅卽  
日車駕南征恂從至潁川盜賊悉降而竟不拜羣



百姓遮道曰願從陛下復借寇君一年乃畱恂長  
社鎮撫吏人受納餘降恂經明行修名重朝廷所  
得秩奉厚施朋友故人及從吏士常曰吾因士大  
夫以致此其可獨享之乎時人歸其長者以爲有  
宰相器十二年卒諡曰威侯

郭伋字細侯扶風茂陵人也少有志行哀平間辟  
大司空府累遷漁陽太守後潁川盜賊羣起九年  
徵拜潁川太守召見辭謁帝勞之曰賢能太守去  
帝城不遠河潤九里冀京師并蒙福也君雖精於



追捕而山險阨自鬪當一士耳深宜慎之伋到郡  
招懷山賊陽夏趙宏襄城召吳等數百人皆束手  
詣伋降悉遣歸附農因自劾專命帝美其策不以  
咎之後宏吳等黨與聞伋威信遠自江南或從幽  
冀不期俱降絡繹不絕

秦彭字伯平扶風茂陵人也自漢興之後世位相  
承六世祖襲爲潁川太守與群從同時爲二千石  
者五人故三輔號曰萬石秦氏建初六年轉潁川  
太守乃有鳳凰麒麟嘉禾甘露之瑞集其郡境肅



宗巡行再幸潁川輒賞賜錢穀恩寵異甚

繆彤字豫公汝南召陵人也少孤兄弟四人皆同財業及各娶妻諸婦遂求分異又數有鬪爭之言彤深懷憤歎乃掩戶自搥曰繆彤汝修身謹行學聖人之法將以齊整風俗奈何不能正其家乎弟及諸婦聞之悉叩頭謝罪遂更爲敦睦之行仕縣爲主簿時縣令被章見考吏皆畏懼自誣而彤獨證據其事掠攷苦毒至乃體生蠱蛆因復傳換五獄踰涉四年令卒以自免太守隴西梁湛召爲決



曹史安帝初湛病卒官彤送喪還隴西始葬會西羌反叛湛妻子悉避亂它郡彤獨畱不去爲起墳冢乃潛穿井旁以爲窟室晝則隱竄夜則負土及賊平而墳已卽其妻子意彤已死還見大驚關西咸稱傳之共給車馬衣資彤不受而歸鄉里辟公府舉尤異遷爲中牟令縣近京師多權豪彤到誅諸姦吏及託名貴戚賓客者百餘人威名遂行卒於官

劉方字伯況平原人襄城令孝章帝詔曰安靜之



吏惻惻無華日計不足月計有餘如襄城令劉方  
吏人同聲謂之不煩雖未有他異斯亦殆近之矣  
陰修南陽人爲潁川太守嘗值大水災傷京西尤  
甚殍自鄧唐入境不可勝計令盡常平所儲奏乞  
越常賑之幾十餘萬人稍能全活惟遺棄小兒無  
由皆得育之一日詢左右曰人之無子者何不收  
以自畜乎曰人固願得之但患旣長或來歲豐稔  
父母來識認爾修爲立法凡因災傷遺棄小兒不  
得復取夫彼旣棄而不育則父母之恩絕若人不



收之其誰與活乎遂作空券數千具載本法印給  
內外廂甲保伍凡得兒者使自明所從來書於券  
付之其數給多者賞且分常平餘粟貧者量給爲  
資事定按籍給券凡三千八百人皆奪之溝洫置  
之襁褓

晉曹攄字顏遠譙國譙人也少有孝行好學書善文  
太尉王衍見而器之調補臨淄令惠帝末爲襄城  
太守時襄城屢經寇難攄綏懷振理旬月剋復後  
爲征南司馬時流人王道等寇掠城邑攄與戰死



之故吏及百姓並奔喪會葬號泣卽路如赴父母  
焉

李福潁川太守死於燕寇

比朝齊郎基字世業中山人身長八尺美鬚髯汎涉  
墳典尤長吏事天保四年除海西鎮將遇東方白  
額稱亂淮南州郡皆從逆梁將吳明徹攻圍海西  
基固守百餘日軍糧且罄戎仗亦盡乃至削木爲  
箭剪紙爲羽圍解還朝僕射楊愔迎勞之曰卿本  
文吏遂有武畧削木剪紙皆無故事班墨之思何



以相過後守潁川郡積年畱滯數日之中剖判咸  
盡而臺報下並允基所陳條綱旣疎獄訟清息官  
民遐邇皆相慶悅基性清慎無所營求嘗語人云  
任官之所木枕亦不須作況重於此事唯頗令寫  
書潘子義曾遺之書云在官寫書亦是風流罪過  
基答云觀過知仁斯亦可矣卒於官贈驃騎大將  
軍和州刺史諡曰惠柩將還遠近赴送莫不攀轅  
悲哭

王思政太原祁人漢司徒允之後也自魏太尉凌



誅後冠冕遂絕父祐州主簿思政容貌魁梧有籌策魏孝武在藩素聞其名乃引爲賓客及登大位委以心膂累以功加特進兼尚書左僕射行臺都督荊州刺史侯景叛東吳請援乞師當時未卽應接思政以爲若不因機進取後悔無及卽率荊州步騎萬餘從魯關向陽翟周文聞思政已發乃遣太尉李弼赴潁川東魏將高岳等聞大兵至收軍而遁思政入守潁川景引兵向豫州外稱畧地內密遣送款於步騎十萬來攻思政知不濟率左右



據土山因仰天大哭左右皆號慟思政西向再拜  
便欲自剄先是文襄告城中人曰有能生致王大  
將軍者封侯重賞若大將軍身有損傷親近左右  
皆從大戮都督駱訓固止之不得引決齊文襄遣  
其通直散騎常侍趙彥深就土山遺以白羽扇而  
說之牽手以下引見文襄辭氣慷慨涕淚交流無  
撓屈之容文襄以其忠於所事起而禮之接遇甚  
厚其督將分禁諸州地牢數年盡死思政初入潁  
川士卒八千人被圍旣久城中無鹽腫死者十六



七及城陷之日存者纔三千人雖外無救援絕無  
叛者思政常以勤王爲務不營貨產嘗被賜園地  
思政出征後家人種桑果雜樹及還見而怒曰勾  
奴未滅去病辭家況大賊未平欲事產業豈所謂  
憂公忘私耶命左右拔而棄之故身陷之後家無  
蓄積及齊文宣受東魏禪以思政爲都官尚書儀  
同三司卒贈以本官加兗州刺史

隋房彥謙字孝冲本清河人遷於齊爲著姓年十八  
齊州刺史廣寧王孝行辟爲主簿時禁網疎閑州



郡之職尤多縱弛及彥謙在職清簡守法州境肅然莫不敬憚遷長葛令甚有惠化百姓號爲慈父治爲天下第一超授都州司馬百姓思之立碑頌德

敬肅字宏儉河東蒲坂人也煬帝嗣位遷潁川郡丞大業五年朝東都帝令司隸大夫薛道衡爲天下羣官之狀道衡狀稱肅曰心如鐵石老而彌篤帝謂納言蘇威尚書牛宏曰其中清名天下第一者爲誰威等以柳儉對帝又問其次威以涿郡丞



郭絢潁川郡丞敬肅等二人對帝賜儉帛二百匹絢肅各一百匹令天下朝集使送至郡邸以旌異焉時左翊衛大將軍宇文述當塗用事其邑在潁川每有書屬肅肅未嘗開封輒令使者持去述賓客有放縱者以法繩之無所寬貸由是述銜之八年朝於涿郡以其年老有治名將擢爲太守者數矣輒爲述所毀不行大業末乞骸骨優詔許之去官之日家無餘財

劉曠不知何許人也開皇初爲平鄉令遷臨潁令



清名善政爲天下第一尚書左僕射高潁言其狀  
上召之及引見勞之曰天下縣令固多矣卿能獨  
異於眾良足羨也顧謂侍臣曰若不除獎何以爲  
勸於是下優詔擢莒州刺史

唐王珣字伯玉與兄璵弟璿以文學稱時號三王天  
授初珣及進士第應制科遷藍田尉以拔萃擢長  
安尉因進見武后召問刑政嘉之詢其族氏對曰  
廢后臣之姑也后不悅左遷亳州司法參軍神龍  
初爲河南丞武三思矯制貶臨潁令宋璟輔政召



授侍御史出許州長史歲旱珣時假刺史事開廩賑民卽自劾元宗赦之

來瑱邠州永壽人天寶初拾遺張鎬薦瑱能斷大事有禦侮才擢潁川太守賊攻潁川方積粟多瑱完埤自如手射賊皆應弦仆賊使降將畢思琛招之瑱父故將也拜城下泣且涕瑱不應前後俘殺甚眾賊懼目爲來嚼鐵

高承簡少事忠武軍後更隸神策以崇文平蜀功除嘉王傅裴度征蔡奏署牙將蔡平詔析上蔡鄆



城西平遂平四縣爲澱州拜承簡刺史治郾城始  
開屯田列防庸瀕澱綿地二百里無復水敗皆爲  
腴田先是賊築武宮以夸戰勞承簡爲夷其邱宅  
家財以葬葺儒宮備俎豆歲時行禮野有菽實民  
得以食將吏立石頌功

龐堅京兆涇陽人天寶末爲潁川太守有惠政安  
祿山反南陽節度使魯炆表堅爲長史兼防禦副  
使與薛愿共守潁川時陳畱滎陽已陷賊南陽被  
圍而潁川當往來劇賊將阿史那承慶悉銳攻之



傳城百里樹木皆燬城中士單寡糧少而堅晝夜  
戰諸郡兵無援者自正月盡十一月賊設木鵝衝  
車飛梯薄城矢如雨士皆雷譟夜半踰城入堅不  
肯降賊縛致東京將磔解之有說祿山曰義士也  
彼爲其主殺之不祥乃縛於樹比自死見者哭之  
薛愿汾陰人安祿山反魯炆以愿爲潁川太守與  
龐堅共守賊攻之急二人死守糧乏援絕城陷而  
死

崔安潛字進之進士擢第咸通中歷江西觀察忠



武節度使乾符初王仙芝寇河南安潛募人增陴繕械不以力費仰朝廷首請會兵討捕號令精明賊畏之不犯陳許境

杜臯歷忠武軍節度使以簡儉爲治所至有績

李遜歷忠武軍節度使時吳元濟始平治條疏類遜申嚴約束公賞罰上下感畏遜爲政抑強扶弱貧富均一所至有績可紀

高瑀忠武軍節度使州比水旱無年瑀相地宜築隄庸百八十里時其醵洩民賴不饑



趙翊忠武軍節度使政簡齊上下安之

趙犇天水人龍紀元年以平巢蔡功就加平章事  
充忠武軍節度使仍以陳州爲理所由是中原塵  
靜唐帝復歸長安陳許流亡之民襁負歸業犇設  
法招撫人皆感之

趙昶犇之仲弟忠武軍節度使亦以陳州爲理所  
屢有軍功大寇削平之後益畱心政事勸農課桑  
大布恩惠景福元年陳許將吏耆老錄功詣闕上  
陳天子嘉之命文臣撰德政碑植於通衢



燕欽融許州司戶參軍再上書斥韋后擅政並發其逆節時已萌露后怒勸中宗召至於廷面問其事詞旨挺直初無隱諱帝怒令杖之宗楚客私令衛士加刃致死

崔敏歷許州臨潁令推以直道有惠政

宋梅堯臣字聖俞宜城人寶元中知襄城康定庚辰秋七月汝水暴至溢岸公親率縣徒以土塞郭門居者知其勢危皆結庵於木末城中壞廬舍千餘公撫綏得宜人賴以濟仕至尚書都官



宋庠字公序安州安陸人天聖初舉進士第庠原名郊仁宗命改今名皇祐中包拯劾庠不戢子弟久在政府無所建明庠亦請去乃以刑部尚書觀文殿大學士知河南府徙許州所至以慎靜爲治卒諡元獻

吳育字春卿建安人少奇穎博學舉進士中甲科知襄城縣自秦悼王葬汝後宦官歲時上冢者往來呼索擾州縣育奏止之由是民省洪費大半宦官過者銜之或中夜過縣門索牛駕車育拒不應



異時宗子所過縱鷹犬暴民田入襄城境輒相戒  
約毋敢縱者及知許州爲政簡嚴尤先豪猾常曰  
吾何有以及萬姓去其爲害者而已

李若谷字子淵徐州豐人舉進士補長社尉州葺  
兵營課民輸木檄尉受之而吏以不中程多退斥  
欲苛若輸者因以取賕若谷度材別其長短大小  
爲程置庭中使民自輸後以右諫議大夫出知許  
州

鄒浩字志完常州晉陵人第進士嘗爲潁昌府教



授呂公著范純仁爲守皆禮遇之純仁嘗屬譔樂  
語浩辭純仁曰翰林學士亦作此浩曰翰林學士  
則可祭酒司業則不可純仁謝之官至吏部侍郎  
姚仲孫大中祥符八年進士及第爲許州司理參  
軍時王嗣宗知州事民有被盜殺者其妻訴里胥  
嘗責賄於其夫不與而怨此盜也乃捕繫獄將傳  
以死而仲孫疑之嗣宗怒曰若保非盜也耶然亦  
不敢遽決後數日果得真盜者嗣宗喜曰審獄當  
如是也再調邛州軍推官改資州轉運使檄往富



順監按疑獄而全活者數十人

孔道輔字原魯初名延魯孔子四十五代孫也仁宗時知許州遇事卽剖斷不徇私情明道初召右諫議大夫御史中丞天下莫不以直道許之及卒仁宗思其忠特贈尚書工部侍郎

葉夢得字少蘊蘇州吳縣人紹聖中登第徽宗時帥潁昌府時旁郡糾民輸餉就糴京師獨潁昌賴夢得獲免內侍李彥括公田以黥吏告許籍屬縣隱田數千頃夢得捕吏按治之郡人大悅號石林



大居士

晏殊字同叔撫州臨川人七歲能屬文張知自以神童薦之賜同進士出身慶歷中同平章事殊平居好賢當世知名之士皆出其門及爲相務進賢材而小人權倖皆不便天聖間知應天府延范仲淹以教生徒自五代以來天下學校久廢興學自殊始後又知許州遇事卽決庭無滯訟

呂夷簡字坦夫其先萊州人進士及第累官尚書右僕射兼吏部尚書以主廢郭后爲臺諫所劾王



曾斥其納賄市恩夷簡乞置對帝問曾曾語屈於是二人皆罷夷簡以鎮安軍節度使同平章事判許州

文彥博字寬夫汾州介休人其先本敬氏以避晉高祖及宋翼祖諱改焉及進士第知翼城縣拜同中書門下平章事進昭文館大學士御史唐介劾出知許州改忠武軍節度使

范純仁字堯夫文正公之子也知襄城縣勸民植桑有罪情輕者視所植多寡除其罰後又知襄邑



縣衛士牧馬踐民稼純仁捕杖之言恤兵當先恤  
民朝廷以爲是弟純禮嘗知開封府務去苛刻一  
切以寬處之

范師道字貫之文正公之姪登天聖八年甲科嘗  
知廣德縣有治狀孫甫薦之通判許州出入臺諫  
凡九載朝廷之事聞無不言言必欲行嘗爲唐史  
著君臣治忽之跡命藏秘閣有詔褒美趙清獻公  
志其墓

司馬光字君實陝州夏縣人也仁宗寶元初舉進



士神宗時論青苗助役等法以端明殿學士知永興軍徙知許州

裴諤在潁川爲北府屬掌文翰時人爲之語曰北府裴諤南府柳蚪

曾炳字文伯南豐人宋神宗初以仁廟陵工勞擢許州觀察推官值歲大旱民饑疫作州缺守而無見糧公亟請於轉運使得奏牘兼程達都門乞執政上之且口述饑民待哺狀不急收恤則流殍盈野矣當宁驚其言立斥京倉與江淮漕粟賑之公



歸而饑民聚許下無慮數萬人公手繕戶帖計口  
簡給其病者更資以醫藥時時徒步案行坊巷省  
察輿情民獲全濟而公竟爲疫所中以卒公始以  
布衣謁韓忠獻於中山忠獻偉其議論有根據文  
復典贍可喜延入精廬俾與諸子姓游公刻苦自  
厲文日益工皇祐四年與忠獻從子直彥預崇政  
殿試同登乙科其卒也年甫四十有六忠獻爲銘  
其墓

王平字保衡侯官人章聖時初爲許州司理參軍



里中女乘驢單行盜殺諸田間褫其衣而去驢逸  
田旁家收繫之吏捕得驢指爲殺女子者訊之四  
旬田旁家認收繫其驢實不殺女子保衡意疑甚  
以狀白府州將老吏素彊了不之聽趨令具獄保  
衡持益堅老守怒曰掾懦耶保衡曰坐懦而奏不  
過一免耳與其阿旨以殺無辜又陷公於不義較  
其輕重孰爲愈耶州將因不能奪後數日河南移  
逃卒至許劾之乃實殺女子者田旁家得活

元劉天孚字裕民大名人由中書譯史爲東平總管



府判官知許州所至有治績時檢核屯田臨潁鄧  
艾口民稻田三百頃有欲害之者指爲古屯陳於  
中書請復築之天孚爲辯其非乃止襄城與葉縣  
接壤其南爲湛河襄城民食滄鹽葉縣民食解鹽  
刻石河南岸以爲界葉縣令有貪汚者妄徙石於  
北二里誣其民食私鹽繫治百餘家兩縣鬪辯中  
書遣官察其實天孚爲攷其元界移石故處而葉  
縣令被罪去歲大旱天孚禱卽雨野有蝗天孚令  
民出捕俄羣鳥來啄蝗爲盡明年麥熟時有青蟲



如蝨食麥人無可奈何忽生大業蟲盡嚼之許人  
立碑頌焉

明陳霖福建福清人洪武初知許州歲歉民多流徙  
霖使民導東湖水別注縱民取魚藕自給賴以全  
活者甚眾任滿代去民多思之

陳璉字廷器廣東東莞人永樂初由國子助教知  
許州以儉約廉平爲政俗多淫祀連諭毀之民稍  
知化嘗編集郡志一十三卷官至南京禮部侍郎  
連孝友和厚博通經史以文學知名於時所著有



琴軒集

田深字本淵山西稷山人洪武間由貢士拜福建  
道監察御史風裁凜然廉譽世著改長葛知縣不  
顯威嚴而務德化永樂元年攷績至京改知四川  
保縣長葛民如失怙恃乃走京師伏闕奏畱復任  
九載政成陞許州知州時陳連所著郡志尚未梓  
行深下車初訪求於緱山陳原禮所得之卽命刻  
梓不改前政而郡以治今幾百年稱許之賢守必  
曰陳田云



顧昌字德輝吳之長洲人由舉人正統七年任襄城教諭經學精通教人嚴而有法爲中州教官第一數十年來襄之士科甲相望爲時名宦者皆其門人或私淑者語及顧先生輒感慕不已故尚書李敏至欲分俸養之縉紳以爲美談云

黎公弁字之冕江西臨川人博學洽聞正統九年任臨潁教諭始至慨然以成就人材爲責時學規稍廢卽嚴條約以身先之每夜坐齋中課諸生業二鼓乃罷雖祁寒暑雨不少變自後士習丕振科



第接踵皆其力焉

王永寧應天句容人由舉人正統十年任許州學正學行端慎嚴於教人每雞鳴起坐堂上分類立程日課夜讀未嘗少假及滿之日猶循常規至今學者樂道其事

陳紀字孟綱山西臨汾人由舉人知扶溝縣天順三年擢許州知州既至卽教民爲善且諭以治生之道察民間夜有讀書或紡織之聲給膏油助之在官隸卒亦各課以生業城市鄉村無遊惰者歲



歉則令民種菜備食城壕中藕魚縱民自取不爲  
禁賴以全活者甚眾民有輕俠無賴者給與牛絹  
令其改過由是感化有沒齒不敢爲惡州東鄢陵  
馬攔鎮故多盜聞許人輒不劫掠曰此陳太守之  
民也其所修建尤多時稱能吏焉

張琬字昭宣江西吉水人由舉人成化三年任臨  
潁知縣公勤慈惠有古令長風嘗循行見盜發古  
墓而遺骸露者痛傷之令爲埋拵因作覆豕記傳  
於人時麥秀雨歧士夫有詩頌焉巡撫都御史楊



公璿特加獎諭在任八年卒於官

范淮字宗漢湖廣巴陵人由舉人成化十七年任  
臨潁教諭經學有源委諸生課業皆爲親定規式  
雖祁寒盛暑不少倦癸卯校文蜀省便道迎母就  
養居歲餘母以疾卒扶柩還葬未幾亦卒君子謂  
臨潁士類知學科第日盛者范先生之功居多

邵寶字國賢常州無錫人成化甲辰進士以文章  
理學名知許州時歲大祲關陝流民至相食郡境  
寶多方賑救全活者甚眾畱心民事躬課農桑倣

朱文公社倉立積散法行計口澆田法爲備荒計  
民用是無荒虞尤重學校殿廡齋舍樓閣堂亭咸  
創爲之壯麗如式六籍子史增置幾數千卷諭諸  
生義利公私之辨及忠孝大節黜浮薄崇雅道文  
體士習爲之一變自是掇魁解者甲於他郡郡有  
先賢遺蹟日就湮沒實爲咨訪求陳寔宅表八龍  
塚封考叔鼂錯墓起展江亭新裴度廟毀尼寺題  
黃霸主論曹魏受禪之非辨漢帝獻愍之諡皆凜  
然有以正人心扶綱常郡志蕪敝寶招儒彥修之



義例體裁嚴正典則識者謂有史筆之遺爲郡乘  
第一郡邑豪猾成風吏不能治寶爲籍紀之皆股  
栗圖爲自新其不悛者坐以法風遂屏息民有誣  
強姦者獄久不決寶獨試其情誣者果伏至辨盜  
發奸往往出奇民畏服如神許舊有堰蓄水以莠  
粳稻圯毀積久乃施疏導去其患因引潁水以資  
灌溉民於今爲利有曰蔣馬坡花溝湖者若干頃  
皆洿地民固棄之寶開溝洫旱澇可備膏腴倍他  
所尋爲民相忌妄獻之藩府經歲爭訟逮數百人

按事者欲爲阿附以刑攝服實力詆之白於臺臣  
竟不爲所奪初之郡丙午之夏蝗生四境寶禱而  
殄明年飛蝗入境禱之又殄歲且熟春始病旱  
咎旱魃及掘龍骨之惑者寶據理正之乃作旱魃  
對毀龍骨辭以開諭愚民遂寢其事他如抑徵收  
之弊絕吏胥之私祀先有圖淫巫有禁郡中熙然  
服從教化喪葬不作浮屠實自寶始間陳時政十  
事切中肯綮當道多所采納以才優經濟器之寶  
在許八年考最者再宏治甲寅召爲戶部員外郎



既去許民思之不置相率建祠樹碑以永其思大學士賈公詠爲之記寶後提學江西敦尚道義以身爲教遠邇向慕累遷都憲督漕運劉瑾擅權一無所通瑾啣之數令人以危言撼之不爲動乃捏旨勒令致仕寶性度端雅臨事猶講學未嘗疾言遽色嘗曰願爲眞士夫不願爲假道學尤爲名言其於聲色貨利嬉戲絕口不言惟潛思著書開拓古今粹然自出機軸名重海內瑾誅起爲禮部侍郎以母老乞終養嘉靖初復起爲禮部尚書辭不

就卒諡文莊

于玘字子珍世爲山東東阿縣人玘生有異質十歲能屬文邑中丞劉公聞其岐嶷召置門下受業以兄女字焉年十三從諸生試督學姜公大奇之命廩於學宮載歸濟南每閱士雜玘諸生中歷試之一時齊魯稱神童云弱冠舉於鄉五上春官不第嘉靖辛丑以母老謁選授許州知州玘明習文法飭厲教誨以化成循理爲世吏師城圯設法修之城下引潁水灌池中其外築長堤堤上樹柳可



二萬餘株後大盜師尚詔以兵三千人薄許視其城壯險不攻而去城西湖上故有書院一區玘拓其制爲舍數十楹選舉髦課誨之許有受禪臺故趾魏文帝廟在焉玘以丕漢賊不當血食漢土投其象河中而以此爲漢壽亭侯別操處卽以其像祀之故給事杜桐者家臨潁橫甚所殺埋十餘人御史臺捕桐桐匿不出急輒以兵拒吏御史臺以屬玘會桐來上謁因從容說桐曰諸臺省知公寬欲得公一白豈遂相苦耶公今不出卽亡命無已

時桐喜受命卒不得逸玘守許三年令行禁止道  
不拾遺癸卯秋以母喪歸服闋補陝西靜寧知州  
置歲洊飢道殣相望玘以便宜大發倉廩賑貸活  
者不下萬餘人滿考選平涼府同知稽金城酒泉  
將吏功罪主隴洮間茶馬之役皆當情法厭人望  
至如讐韓府悍宗擒大猾高良類皆不畏強禦談  
笑成功玘在西邊久常鬱鬱思歸聞子慎言舉於  
鄉輒上書求去不俟報而行卒後十餘年以子慎  
行貴再贈翰林院侍講玘守二州佐一郡爲吏廉



貞多有異政去後皆見思各肖象祝之平生嗜書工古文詞所著有家藏集六卷存焉

范錫字子純直隸定興人萬歷丙子舉京兆高第甲午授許州守錫性聰敏百廢具舉聽訟從公人無能欺紿之者預備倉穀多浥爛錫創制令屋皆高爽下鋪以板外通孔竅積穀幾三萬斛無升斗浥爛者其法至善前此未有也秋湖汪家大小白龍等坡湫隘卑濕一遭霖雨河水渰沒民逃徙租賦無所供錫築堤開渠成沃壤焉厥城惟土頻年

補修勞費無已時錫鼐以甌石計日止二十有七  
而功報竣迄今賴金湯錫春秋巡行郊野見田土  
荒蕪者給以牛種惰者懲之民投牒至庭令納茅  
根卽犯罪者衡其重輕亦令納茅根爲贖堆積如  
山籍而掌之人皆不解所以及甌城工起用茅根  
燒甌人獲利益而荒蕪開墾其綜理微密善因事  
就功類如此凡冠婚喪祭以至服飾宴享之類錫  
皆有成條躬行以率之一時侈靡之俗變爲朴素  
嘗夜出聞紡績誦讀聲詰朝召其人厚賜而遣之



若淫酗不悛者痛禁之不少貸申保甲之法互相  
覺察盜賊屏跡鄉村寧謐凶荒之後瘟疫盛行獄  
囚尤苦錫惻然憫念間令二役解一犯赴潁水河  
洗滌全活者衆先是文莊邵公寶守許於學宮東  
偏起尊經閣嚴師堂品士亭東西格致誠正修齊  
治平八號規模壯麗歲久傾圯錫慨然新之倍於  
其舊羣俊秀者課於其中官爲之餼又於巽隅創  
文昌閣以培地脉科第因之丕振語云前有二泉  
後有一泉蓋不敢軒輊云子文源文叔孫七楫科

第踵武鴻猷未艾傳曰廉吏之家必有洪胄蓋天之道矣

鄭振光字明初直隸武進人治尙書成萬歷庚戌進士癸丑拜許昌守時年壯負奇節侃然曰稷莩鋤嘉禾殖鋤強遏惡不事姑息小大之獄必察情具服而後已勵精爲治晝夜不厭苦故興創更張鮮中撓者適巡阡陌見許大龍口白龍坡荒蕪數百頃民皆流亡卽捐金召募開渠築堤爲建庄給牛種遂膏腴且驛號衝疲悉索敝賦供輿馬馬頭



不支騷然傾產振光悉力申請私幫盡改公派以除里甲之賠累工食不混站銀以絕驛遞之扣畱度加編畝肆毫零而官馬百六十餘匹幫擾永除當事遽之著爲絜令諸如革長夫定走遞工額暨稍草領價官買關隅索帖私蠹一切蠲黜獨計條銀轉輸見爲公收貯解而陰用大戶僅跡免耳振光盡委官吏卽以所羨餘佐添搭資許之役不繁興產無重賾胥鮮漁獵民便正供者則振光之有造於許也每月兩期延諸生倡明理解每談制舉

藝振光分肌切脉媿媿不休所煥黌宮修號舍建  
謹庸強恕二堂月試傳殮大都爲許之人文計嘗  
於巽方興祥院建塔曰文明其風勵培植發祥流  
慶類如此至創邵文莊公祠表節孝宅里飲社讀  
約必躬必親駸駸興於教化而振光亦用是瘁矣  
伏病閱歲不以食少事煩爲解會太宜人迎養捐  
館邸中振光毀瘠骨立幾不欲生扶舁經杞邑竟  
以不起宦橐無能附身宜人至出簪珥續以所佩  
帶道路聞而悲之許人德振光深爭條上遺澤列



名宦以慰崇奉之意焉

王守履字存宇山西人守許修西湖書院衡文臺  
臺後水中創建雲竇閣高數丈玲瓏宏敞朝夕課  
士其中人文蔚起陞戶部員外郎直言廷諍轉御  
史巡鹽再按湖南卒於王事

張爾庚字天鄰安平人知許州事廉介端肅人無  
敢干以私莊涖堂署如寒巖壁立胥吏聞鼓聲色  
變股栗催科懸賞罰誘之不敵扑而輸將恐後百  
姓有過緩懲之必俟其改而後已課士諄切拔入

設者適館授餐三年如一日時有折蓼慈母冀黃  
再起之頌

董嗣樸山東萊陽人崇禎間任長厚如陳荀玉申  
年大水西城不沒者三板樸投冠魚於水祝畢水  
立消民咸祀焉

韓澹山東人明季爲許州貳守時州守以事去公  
攝篆焉闖賊圍城公介矢石灰弩畢力扞禦賊怒  
給城上曰得署首圍乃解公仰面誓天曰生我一  
人而死千萬人我生何爲苟存社稷刀鋸不憚也



遂縋北城下輒被害城破昇殮之顏色如生

汪喬年字歲星浙江人督師至襄城闖賊東來公躬率士民死守凡五晝夜力不支城陷死之

王鏜直隸長垣監生授襄城縣丞正德間賊劉六劉七犯襄鏜有死城之功民塑像於三賢祠側祠名宦

歐陽植陝西褒城舉人授長葛學博崇禎十四年汴城陷賊勢猖獗邑令已降賊植與舉人孟良屏貢生黃朝聘生員張範孔等創議守城城陷猶巷

戰不屈死

李萬慶守襄城城破不肯從賊死甚烈

曹思正岷山舉人襄城知縣被賊殺

趙鳳豸襄城典史嬰城固守力竭死

王應翼京山舉人知許州被賊殺

張守正許州都司被賊殺

賈蔭序臨潁千總嬰城固守力竭死

杜復春長葛典史死賊

國朝李正芳順天大興人前代武舉於順治二年陞



授都司使駐鎮許州當荒亂後公加意整理城垣  
傾圯者修築之城濠淤塞者開濬之民人流亡者  
招徠之捐給牛種墾荒成熟又於城廂鄉鎮各設  
義學使兵民子弟咸知禮義康熙四十七年崇祀  
名宦

汪潛字蟠雯江南祁門人由拔貢授山東臨清知  
州丁外艱服闋補本州牧順治丙申年甫下車作  
驅蝗文禱於神卽有蝗不入境之異泣許三載百  
廢具舉如築城垣修學宮纂志乘建倉廩此大端

也愛民有實心聽訟無枉斷有邑董逆變起煽及  
許田公密請兵翦之渠魁就擒餘無株連一方皆  
安堵時有察荒之令履畝丈量公訪舊制弓尺如  
式惟公惟均不使糧溢於地去之日許民尸祝之  
徐崇禮字秩庵遼東撫順人任本州牧惠政甚多  
當鼎革之初田疇未治賦役不均民多苦累公開  
溝渠以通水利均保甲以便輸將勸開墾荒田免  
協濟支應許人至今陰受其福焉士民建祠勒石  
以誌不忘崇祀名宦



徐世法浙江會稽人山例監授本州牧修葺文廟  
廣設義學勸農桑嚴保甲聽訟平允民無冤焉時  
遭蝗蝻親率鄉民撲滅之石梁潁水二河久淤雨  
後泛溢爲田廬害公捐俸疏濬民享其利卒於官  
崇祀名宦

董思恭號桂川山東壽光人辛丑進士由庶常授  
本州牧旋改州爲府復爲本郡守兩涖許任諸務  
謹飭操守廉潔愛民課士有實心焉乾隆四年大  
水居民廬舍傾頽村外炊烟欲絕公登城向水號

哭揮淚如雨感動紳士樂施助賑當有貢生范純  
仁鹽商范繼文各捐銀五百兩兵部司務韓茂林  
捐麥二百石餘捐銀數麥穀有差共捐銀二千九  
百二十二兩捐麥一千四百一十五石捐穀九百  
三十六石此雖許人義舉亦公之真情所鼓也是  
年各處散賑惟許之賑大而有法飢民受實惠焉  
修葺明倫堂奎文閣煥然一新聚星書院久廢公  
創建之工未竣而丁艱離任太守姚公廷棟踵其  
成亦繼公之美意云



孫用正字以寧輝縣人夏峯徵君裔由舉人署本府教授勤於訓士課文藝外恒以理學諸書爲諸生規勉諸生感其化澤於明倫堂之側爲公建一講堂藩憲趙公廉其事以育德顏之大中丞雅公以德行純懋匾額懸於堂知府董公有創修聚星書院及明倫堂奎文閣諸役鳩工庀材公獨任其勞焉後以政府爲州裁缺離任諸生有去思卽以講堂改作生祠至今逢公誕辰諸生猶升堂焚香遙祝云

沈近思字位山仁和人庚辰進士康熙四十五年授臨潁縣令慈祥愷悌勤慎廉明初下車卽進紳士耆老詢問民間利弊令條陳無隱泣任八年茂績丕著如修城池築河堤設義冢建社學捐社穀皆其大者卓異陞南寧府同知累官至左都御史兼吏部左侍郎贈太子少傅禮部尙書諡端恪公家珍山東家陰人由貢士任襄城縣事時順治二年改革初定地荒人殘公精明強幹興廢起衰立學勸農襄民德之爲之建碑立祠陞鞏昌府同



知

佟昌年字無疆遼左世胄少年筮仕凝重明敏順治七年任襄城縣事此時瘡痍甫息慮襄人無耕具乃多設牛種給令開墾痛革履畝增稅之弊有奸民借開地誣告者必反坐於是襄人多歸里旣歸又喜有所資給開墾漸廣復業者日衆又念徭役見昔年多破家斷令貧富適均革影射濫詭之弊民始無賠累陞德州知州襄人爲立生祠歲久傾圯道光八年邑長王爲改建於縣署右

張允中號東峯山西崞縣進士康熙七年授襄城令歲有水旱災民食寡乏國賦逋欠乃履畝清丈均其賦稅數年積欠一清又念按戶食鹽按口分散追比無虛日里甲咸爲騷動乃招商納引令商自賣百姓稱便捐俸修文昌閣而登鄉薦者有人文風振起招逃散之人民以實閭閻於附郭地起巷立市居民稱爲樂土曰張公巷後行取陞吏部主事

李應宗字繩菴遼東瀋陽廕監康熙七年十二月



任鄆城令詳免鄆民赴河工役畱爲本邑修理堤防均保甲釐戶籍公私無累修城築堤壘道建橋給牛勤墾賑饑活民多所建監士民繫思不忘

力廷輝字棣園福建侯官籍永福人廩貢雍正六年五月任鄆城令清勤自矢捐俸修城設義冢置義學頗有惠政去任民爲立碑

李元讓號嶺泉江南山陽人由貢監授長葛縣令精敏愷悌不事矯飾於民瘼政教不惜勞瘁縣東北康卹保一區地尤洿下頻遭水患民甚苦之讓

相其高下度其遠近開通溝渠十一處以洩其水  
化爲腴壤邑人立石紀功撫字心勞竟卒於官宦  
囊蕭然二子幾不能扶櫬士民悲悼立祠於泊河  
側

何鼎字晴山湖廣靖州人來宰葛邑惠政良多凡  
所施設輒中民隱如修理學宮設館課士築堤禦  
水田成膏腴去後建祠用志遺愛三十餘年謳歌  
不輟

劉大觀字寬南湖廣大冶人由選拔教習授長葛



令葛民止務耕耘向無蠶桑之利首以種桑諄懇  
指教今有成林者民賴爲利洎水遷徙靡常久爲  
葛患直逼城隅東北城牆衝嚙一角急爲浚河築  
堤引水仍歸故道寒暑不避去後堤廢水復爲害  
如設義學拔孤寒禁止婦女不許看戲燒香葛俗  
爲之一變有移風易俗之功

胡文元字掄先順天大興人由歲貢授長葛令勤  
撫字緩催科杜苞苴剔蠹弊設義館嚴保甲有實  
心實政焉捐養廉修城東北隅三十丈至今雉堞

無恙而且聽斷平允有猪赴訟庭爲朱姓伸冤異  
事後陞光州牧去葛逾年士民猶立碑頌德以誌  
勿諼

邵一聯浙江山陰人明文莊公二泉裔也以名進  
士牧許緩催科勤撫字明法慎罰務期踐二泉舊  
績紳民至今猶思之不置

多松五長白鑲黃旗人愷惻慈祥關心民瘼革除  
夙弊殆盡士民戴如父母若忘其爲州伯者解組  
歸宦囊蕭然問郡輸行貲盈萬扳轅泣送者絡繹



數十里相望

李廷讓直隸滄州人性廉介爲治謹守舊章嘗曰  
興利除弊惟賢明吏能之予雖不能興利必不使  
弊稍滋也牧許六載稱循良

何光熊字孔昭容谷其號也浙江山陰縣人初任  
濬及杞調祥符所至咸額慶得賢明宰嘉慶二十  
三年來牧許恪守清慎簡征税差徭公餘訓子姪  
輩讀書間游藝射圃政務煩劇而暇豫若此東海  
卧治何加焉蒞任僅八閱月士農負販遂頌德不

衰其得民心速甚問之許人亦有不知其所以然者

張井字芥航陝西膚施人嘉慶辛酉進士由祥符尹牧許志意亮拔閱簿最摘姦伏處決無滯思人旣嚴憚矣復悅其仁恕泣事數年桴鼓不鳴銛箭不設而四民安業同深畏壘之祝仕至江南河道總督

姓名攷見

周



百里

許大夫隱公十一年鄭伯伐許莊公奔衛鄭伯使百里奉莊公之弟許叔居許東偏

使公孫獲處許西偏以佐之

公孫獲

鄭大夫事見上

東漢

周

榮

字平孫廬江舒人和帝時郎令後為潁川太守

苑

康

字仲真渤海重令潁川太守

任

延

字長孫宛人潁川太守

歐陽欽

字正思樂安千乘人王莽時長社宰

宋

登

字叔陽京兆長安人順帝時潁川太守

三國魏

棗

祗

潁川人本姓棘先人避難易為棗都尉屯田許下

鄧邵許令

曹褒操從祖仁祖父潁川太守

曹仁字子孝操從弟大將軍移屯臨潁

任峻字伯達中牟人典農中郎將屯田許下

李典字曼成山東鉅野人潁陰令 裴潛字文行河東聞喜人潁川典農中郎

將

黃朗字文達沛郡人襄城典農中郎將

夏侯淵字妙才潁川太守

晉

棗腆字汝方祗之後襄城太守

石覽襄城太守

刁協渤海人潁川太守

和嶠潁川太守為政清簡甚得百姓歡心



劉

智

潁川太守

劉

輿

潁川太守

高

光

潁川太守

孫

恂

潁川太守  
死於賊

鍾

靖

潁川太守

劉

波

襄城太守

賈仲達

潁川太守

陸

宏

潁川太守

荀

崧

襄城太守

劉

挺

潁川太守

崔

廣

襄城太守  
爲石勒敗死於繁昌

劉

波

潁川太守

南北朝宋

魯

秀

潁川太守

南北朝魏

劉義符

潁川太守

王神念

潁川太守

元洪威

潁川太守有政績

元悝

潁川太守

李輔

龍西人潁川太守帶長社戍緩懷招集甚得邊和

薛和

潁川郡事

崔蔚

河東武城人潁川郡守

劉模

長樂信都人潁川太守

邵招

潁川太守

崔庠

字文序清河人潁川太守

封纘

代人潁川太守

辛珍之

狄道人襄城太守

鍾挺

襄城太守

韋元叡

杜陵人潁川太守驃騎府長史

高冲

潁川郡守

柳僧習

潁川太守地接鄱畿民多豪右將選鄉官皆依倚貴勢宛來請僧習使其子作書拒



之

鄭孝穆

開封人  
潁川郡守

杜盛

杜陵人  
潁川太守

賀若統

潁川長史  
刺史降西魏

李景道

潁川  
刺史

崔顏穆

行右民郎中  
潁川邑中正

李長壽

潁川  
刺史

北齊

李叔元

襄城郡  
太守

元景

潁川  
刺史

劉殺鬼

潁川  
刺史

周

趙剛

前潁川  
郡守

上官回

襄城  
太守

崔君肅潁川郡守

隋

柳 裘解人許州刺史在官清簡吏民懷之

趙元淑潁川太守有威惠 劉 宏前襄城太守

崔君肅潁川郡守 崔 今許州主簿

唐

姚 崇字元之陝西陝州人 中宗初由許州刺史同中書門下三品

狄光嗣并州太原人仁傑子也 許州刺史

韋嗣立罷相為許州刺史 肅至忠罷相為許州刺史



李

鄆

郾城王簿

李澄真

許州司馬

李

寮

長社令

劉溫玉

許州刺史

李德矩

許州司功參軍

李泰初

許州司馬

李宣德

許州司馬

崔君實

許州治中

盧維惠

許州司兵參軍

盧韶

許州尉

盧善祚

許州司馬

李素節

許州刺史王贈許

孫鑄

許州法曹參軍

薛湘

許州司士參軍

韋

鍵

臨潁令

韋皎

許州司馬

唐

濟

潁川郡守

敬昶

許州司馬

鄭賁

許州刺史

鄭遜

襄城尉

鄭長裕

許州刺史

權伋

臨潁令

白季軫

許昌令

畢憬

許州刺史

徐詡

許昌司馬

趙矜

襄城丞

獨孤楷

許州長史

趙涓

由進士任鄆城尉

鄭昉

鄆城尉

董昌齡

鄆城令兼監察御史

五代梁

氏叔琮

尉氏人前許州刺史

朱友裕

太祖子權知許州光啓元年再領許

州



五代唐

楊師厚

忠武軍牙將

宇文頡

以將作監丞介國公爲襄城令

五代晉

王權

太原人許州司馬

五代周

韓倫

許州行軍司馬

司徒詡

清河人前知許州

邊蔚

長安人前許州戎判

宋

張士遜

光化軍人罷相後知許州

張觀

以觀文殿學士知許州

任布河南人以集賢院學士知許州李淑豐人知許州

韓綜雍邱人知許州韓絳罷相後以觀文殿大學士禮部尚書

知許州韓維罷相後兩以端明殿學士知許州

韓縝以觀文殿大學士知許州呂公孺壽州人以定國軍節度使知許州

郭承祐沙陀人知許州錢昆字裕之知許州

雷有終字道成同州郃陽人淳化中知許州

石普幽州人知許州李維以集賢院學士知許州

蘇京字世美丞相子容之子也嘗為許州觀察判官時黃門持國甚器愛之薦於朝其詞

曰竊見某讀書知義理臨事有風力前輩之不安稱人如此王平許州司理參軍



賈昌朝

字子明真定獲鹿人仁宗朝頻任將相三次判許州英宗治平元年以侍中守許州

宋

祁

庠弟罷翰林學士知許州

王

陶

萬年人始以樞密直學士知許州以

給事中知陳許二州

楊徽之

字仲猷建州浦城人知許州

李

璋

章懿皇后姪英宗時由殿前都指揮出知鄆州歷鳳翔府知許州

梅

詢

宣城人知許州仁宗時唯樞密直學士帶出外任李尚書維罷翰林為集賢院學士

知許州至寶元元年梅公詢始以侍讀學士知許州侍讀帶外任自梅公始也

李繼隆

上黨人真宗時加同平章事徙鎮山南道判許州

張耆

開封人由左僕射判許州

曹

侑

光獻皇后兄嘗知許州

錢惟演

加同平章事判許州

李遵勗

上黨人積官至鎮國軍節度使知許

州

王舉正

正定人以資政殿學士知許州

李昌齡

由參知政事貶忠武軍司馬

王索

莘人旦子知許州

李維

肥鄉人沈之弟知許州

王嗣宗

汾州人由節度兩次知許州

李昭直

許州知州

梁燾

鄆州人罷尚書左丞出知潁昌府

孫永

趙郡人學士冲之孫舉進士調襄城尉後知潁昌府

范純禮

罷尚書右丞知潁昌府

安燾

開封人以觀文殿學士由鄭州徙知

潁昌府

許將

閬縣人以資政殿學士知潁昌府

呂微仲

知潁昌府

侯陟

淄州長山人襄城令

鄭於陵

江南人知襄城縣

宋燾

京州長安人知襄城縣



劉越

字子長大名人知襄城縣

程

琬

字季聰河南人二程先生之季父知

襄城

程

戡

字勝之許州陽翟人秘書丞通判許

州縣

樂

京

荆南人神宗時知長葛縣

金

劉仲傑

字時彥山東濱州人  
大定間鄆城令

楊伯元

字長卿尉氏人  
鄆城主簿

溫

迪

字彥德正大間宰襄城授歸德府判

官兼襄城縣事

李過庭

長社令

張子玉

長葛令

李

晟

天眷二年任昌武軍節度使兼許州

管內觀

韓

常

天眷三年

察使

張

暉

天德元年

完顏麻斤

掌南路勸農催租軍須科差鹽

鐵酒

樵事

治許州

隋滿訛離也

天德二年

僕散渾灘

正隆五年

烏古論思魯虎

正隆六年

烏延滿震奴

貞元元年

完顏撒改

大定二年

高侯

大定二年

肖阿母刺

大定五年

王祥

大定六年

粒合罕幹持刺

大定七年

徒單阿排

大定八年

蒲察阿故迭

大定十年

烏延

大定十三年

蕭吉祥奴

大定二十年

高景變

大定三十三年

完顏宗真

大定三十四年



完顏蒲魯虎

大定二十六年

奧里守中

大定二十八年

耶律訓

大定二十八年

溫頓罕建河

大定十六年

蒲察守純

明昌元年

白璋

明昌六年

蒙括英

承安三年

女奚烈凡

泰和元年

僕散回烈

泰和四年

完顏闢懶

泰和五年

徒單鐸

泰和八年

蒲察貞

泰和八年

吾古孫吾屯

大安元年

奧屯添壽

大安二年

紇石烈仲

崇慶元年

紇石烈換僧

貞祐元年

紇石烈掃舍

貞祐四年

完顏從正

貞祐四年

把古咬住貞祐五年

徒單鎬貞祐五年

徒單塔懶貞祐五年

石盞女魯觀興定三年

幹勤阿里罕興定四年

移刺眞興定四年

阿盞女魯元光二年

完顏陳兒元光三年

完顏承元正大元年

屈安仁正大二年

完顏文郁正大五年

元林答胡魯正大七年已上官並同諱

李蹊以參政行大司農於許昌

元

岳珍字國寶湯陰人宋武穆王後許州長官



岳鼎臣

字和卿珍之子襲爵副吏官

姚仲宏

左丞樞之父許州錄事判官

常進

長官

趙志

知長葛縣

呂冲霄

平定人

齊

礪

字公望任邱人

孫復禮白佐周德彝楊良弼皇甫壁張誠

已上俱許州知

州

衡

佐

字君用廣平人知許州

大禮普化

字君寶西夏唐元氏監襄城

路

義

字致道代州人鄆城主簿

阿攬沙

薊北人鄆城吏魯花赤

崔

傑

字彥才登封人長葛知縣

按許之節度唐時有以衛尹爲之與據鎮而叛



及幕僚刼刺史降賊與殺人媚人者皆不錄仿  
唐書三公表剗削朱全忠等例也



許州志

卷之四

宦蹟

五

皇書三公未後附宋全忠獻公

公忠獻公與公人散人皆皆不終



